

AVVENTO 2014

O Signor, vegn giò
Vegn giò 'ncamò
Ch'en podom pu,
Vegn giò 'ncamò
O bon Gesù!

In la tua Santa Tera
S'ciopa i bomb, se fan la guera.
No lontan gh'è de la gent mata
Che di schiav fan ammò la trata
E che scanen come 'nimai
I prisoné ch'in riuissì a ciapai.
I cristian, poeu, 'sta pora gent
I cascen via di so ca senza pu nient.

Anca chi 'n de num l'è 'na gran confusion
L'è minga assé fran e alluvion
Adess se meten anca a litigà
Per i so cà c'han occupà
Gent 'rabiada, gent scontenta
Che a tirà a campà de spess la stenta.

O Signor vegn giò
Vegn giò 'ncamò
Ch'en podum pu
Vegn giò 'ncamò
O bon Gesù!

*“Ma cosa disì mai, mia cara gent?
Som semper chi insem a vialter
Comincé a dass 'na man de vun con l'alter,
A guardas in faccia, a voress ben,
Come v'ho insegnà quand l'è stà 'l so temp.
Som semper chi quand vorì 'scoltam
Som semper pront a dav 'na man
Ciapé l'esempi da quei Sant c'ho scernì
Per fa del ben come ho fa Mi!
Comincé a somenà on po de speranza
In 'sto pover mond: con carità e costanza
E vedari che 'dasi 'dasi el fiorirà
Quel po' de ben c' avrì somenà
E alora me vedari!”*

Oh! Sì, Signor, te set propi chi!

da Don Arnaldo